



BIBLIOTHEKA
UNIV. JAGELL.
KRAKOWSKA

379855

000000

Mag. St. Dr.


001

1404



379855

III




ALFED

W. A. 274

Claroveit Expeditionis

Super Bone Jure



ROME IN

EX

Cracovien. Exemptionis

S. U. P. E. R.

Pertinentia Cause.

Rev. Pater. QUAMQUAM *contraria Infor-*
matio plena sit acerbitatis,
& plena injuria in spectatis-
simum Ordinem nostrum, ejusque Generalem Praposi-
tum; QUAMQUAM putet, nos tenuisse cum lite, quam
patere proxime intendit super figurata Ordinis nostri Sup-
pressionem; QUAMQUAM nil minus sperari possit à Cy-
rillo Zuchovvski, qui unus est tantarum contentio-
num simul cum Domino Auditore Curia Cracoviensis instiga-
tor, atque director, quique non abs re principem tenet
locum in proximo ipso *contrariae Informationis*, attamen
suis cum diverticulis nil proficiunt, nilque obtinent Con-
tradictores nostri quoad prætensionem advocandi Causam
Exemptionis à Tribunali A. C.; Multa quidem extranea
misceri, multa injuriosa fingi, multa studia conjungi pos-
sunt, sed fieri ex justitia numquam potest, ut Causa hæc
nostra divellatur ab Ordinario Judice A. C., & remitta-
tur ad Sac. Congregationem Concilii; Confidenter itaque
expectamus, Reverendissimos PP. *contrariae Commissioni*
fore responsuros cum Clausula = NIHIL =, vel in omnem
casum = AD ROTAM QUOAD OMNES, ET OM-
NIA =, velut iterum deprecamur humillimè.

2 Equidem siue spectetur *natura Cause*, siue *legitima præ-*
ventio, siue demum *consensus* ex adverso præstitus in
Tribunali A. C., semper quisque nobiscum conveniat
oportet, Causam Exemptionis haud posse ablegari ad Sa-
cræ Congregationem Concilii: Enim vero Causa nostra
non alia est, quam *super observatione, & executione*
Privilegiorum Apostolicorum, nec non super mantentio-
ne in possessione, seu quasi omnimoda exemptionis a qua-
vis Jurisdictione Ordinariorum &c. =, nostro Summario
num. 27. : Quemadmodum vero Causa hæc valde *conven-*
tiosa valde seriam discussionem, & *judiciarium* requi-
rit ordinem mediante jurium, & Privilegiorum produ-
ctione, ac absolvi decet ope judicialis Decreti, quo de-
finiatur, exequenda esse Privilegia Apostolica, & con-
stare de prærogativa Exemptionis, ita fieri non potest,
ut hujus generis Causa tollatur a Judice suo Ordinario, &
remittatur ad Sac. Congregationem Concilii, in qua Ne-

*gocia non aliter quam in forma extrajudiciali cognosci,
& definiri debent.*

- 3 Præscribit hoc ipsum diserte nedum antiqua Sanctio æterna me. Sixti V., in Bullar. l. 74., sed etiam moderna Reformatio San. Mem. Innocentii XII. in ejus Bullar. l. 71. = ibi = *Ut debitus Ordo servetur inter Tribunalia Urbis, & opportune provideatur, ne ob Litigantium importunitatem CAUSÆ TELAM JUDICIARIAM ALIOQUIN REQUIRENTES, DEFERANTUR AD SACRAS CONGREGATIONES, IN QUIBUS NEGOCIA NON ALITER, QUAM IN FORMA EXTRAJUDICIALI COGNOSCI, ET DEFINIRI DEBENT.* Congregatio Particularis a Sanctissimo D. deputata censuit, innovandam Constitutionem 74. Sixti V. in ea præsertim parte, qua literaliter disponitur, **NON POSSE IN DICTIS CONGREGATIONIBUS COGNOSCI CAUSAS CONTENTIOSAS,** seu negocia, formam, & ordinem judicarium requirentia; **CAUSAS autem contentiosas, & Ordinem judicarium requirentes censuit esse OMNES ILLAS, IN QUIBUS NECESSARIUS EST PROCESSUS JUDICIALIS,** aut fieri debent probationes, Parte citata, seu mediante examine Testium in Curia, **siue MEDIANTE JURIORUM, ET INSTRUMENTORUM PRODUCTIONE,** siue expeditione litterarum Compulsorialium, aut **INTERPONENDUM FORET ALIQUOD DECRETUM JUDICIALE;** **SUBLATA** idcirco iisdem S. Congregationibus, earumque Præfatis, & Secretariis, omnibusque aliis **FACULTATE CAUSAS PRÆDICTAS REASSUMENDI ADVERSUS JUDICES ORDINARIOS,** aut quovis alio modo procedendi.

- 4 Id quod adeo verum est, ut si aliquando Causa Exemptionis fuerit commissa S. Congregationi, hæc, assumpta Cognitione Causæ, videns multas hinc inde invicem pugnantes Facti inspectiones, quæ probationes, & formalem Processum requirerent pro recta Causa decisione, secundum normam relatæ Constitutionis se abstinuit à quavis resolutione, Causamque ipsam Exemptionis uti requirentem formalem Processum, & telam judicariam remisit ad Judices suos Ordinarios, velut adamussim testatur Card. de Luca de jurisdic. lib. 3. par. 1. disc. 28. numer. 5. ibi = *Orta proinde de super controversia, & re delata ad S. Congregationem, post binam disputationem, cum multa hinc inde invicem pugnancia deducerentur, ac supponerentur in FACTO, quæ probationes, ac formalem Processum requirerent, & ex QUIBUS EXEMPTIONIS, VEL respectiva SUBJECTIONIS DECISIO PENDERE VIDEBATUR, idcirco, nulla capta resolutione,*
ad

ad normam Constitutionis SIXTI V. CAUSA TAM QUAM
EXIGENS FORMALEM PROCESSUM, ET TELAM
JUDICIARIAM REMISSA FUIT AD ROTAM, ubi
pendet.

5 Potissimum vero statuendum id est in hypotesi, qua Con-
tradictores nostri ad evertendam Exemptionem parant
exceptionem ass. Suppressionis Innocentianæ, & respecti-
ve extinctionis omnium Privilegiorum nostri Ordinis.
Certum est) ajunt ii in §. 16. sue Informationis) Clau-
sulam sublata, quibus Innocentiana Bulla prædicta le-
gitur, cogere quemcumque, ut fateatur Ordinem SS. Se-
pulchri, & vetusta ejusdem Privilegia fuisse abrogata,
extincta, suppressa = & rursus in §. 21. = Querimus,
utrum subsistere adhuc videatur Ordo Canoniorum S. Se-
pulchri &c. = Ex his autem quò magis Exemptio nostra
erit plena Contentionis, majoresque involvet Fasti in-
spectionis dependentes à compulsatione Privilegiorum,
ab examine jurium, ab inductione Testium, à produ-
ctione Documentorum, quorum pars aliqua legitur jam
hinc & inde deducta in respectivis Summariis, ita indu-
bitantius nostra Exemptionis Causa remanere debet co-
ram Ordinario Judice A. C., ut ab eo per inspectionem
omnium jurium rite cognosci, & definiri queat, ceu
concludit laudatus de Luc. de Relat. Roman. Cur. disc. 15.
n. 5. part. 2. tom. XV. ibi = Ad ejusdem Sixtinæ Consti-
tutionis præscriptum generaliter Sacra Congregationes,
una Partium reluctante, non agunt Causas contentiosas,
quæ processum formalem cum probationibus hinc inde fa-
ciendis exigant, ideoque AD JUDICES ORDINARIOS
REMITTI SOLENT =, & convenit Ursaya discept. Ec-
cles. 1. num. 39. §. 22. tom. 3. part. 1.

6 Conveniunt vel inviti & ipsi Contradictores, agere pos-
se Tribunal A. C. Causam Exemptionis procedentem à Lit-
teris nostris Apostolicis, quoties eadem Litteræ Apostoli-
cæ subsisterent. = Non subsistere autem regerunt illi,
quia eæ Litteræ præcesserunt san. mem. Innocentio VIII.,
cujus imperio dictus Ordo suppressus fuit = verba sunt
contrariæ Informationis §. 21. Quid quod? Innocentia-
na Bulla, quæ tamen ad nos non pertinet, data fuit
ANNO 1489., contrario Summario numer. primo in fin.
& posterior Bulla Julii II., quæ confirmatoria est, da-
tam habet ANNI 1505., contrario eodem Summario
num. 3. in fin. Bullæ vero nostræ Leonis PP. X., quæ tota-
liter, & in perpetuum eximunt Ordinem SS. Sepulchri
ab omni Ordinariorum juris iustione, editæ sunt LONGE
POST, ANNO, scilicet, 1520., ut in contrario Sum-
mario num. 2., & nostro Summario num. 1., & 2. in fin.,
itidemque assertæ suppressioni posteriores sunt Apostolicæ

Litteræ Innocentii XI., quæ signatæ ANNO 1680. præcedentes Bullas confirmant, nostro Summario num. 8. Si itaque Litteræ nostræ Exemptionis non præcesserunt, sed multum post subsecutæ sunt Innocentianam Bullam, plane sequitur, eas subsistere; Nec declinare amplius possunt Adversarii nostri, quod semel admiserunt, nimirum, agere posse Tribunal A. C. Causam Exemptionis, quoties eadem Litteræ Apostolicæ subsistunt.

7 Inutiliter vero Instigator Curiae Cracovien. suis insistit Citationibus, & mandatis respicientibus Curam Animarum, inutiliterque trahit ad Materiam Conciliarem Judicium Anni 1764. inceptum, sed cautius non prosecutum super titulo *Præpositi Generalis*, ut Causam nostræ exemptionis ferat ad Congregationem Concilii: Quisque enim suis oculis relegat Monitorium super Exemptione expeditum coram A. C., illud expeditum fuisse leget adversus Citationes illas à Curia relaxatas sub diebus 9. Martii, 20. Maii, & 1. Junii Anni 1774. super prætensa solutione *Decimarum*, ac super aliis diversis punctis, & Cathégoriis ibidem expressis; ut canunt verba nostri Monitorii relegen. in Summario num. 27. litt. A. Quisque nunc oculos habeat ad hæc Citationes, earumque puncta, & cathégorias, plane intelliget, eas nil umquam continuisse respectu ad Curam Animarum, sed tantum lepidas agglomerasse prætensiones circa solutionem *Decimarum*, circa Officia *Prothonotariatus*, *Notariatus*, & *Fiscalatus*, circa Constitutionem *Præsidis* Capitularis, & testimonia plurium nostrorum Canonorum, ut patet ex te note earundem Citationum in nostro Summario num. 21. ad 26. Suas itaque exerceat ubilibet Conciliares prætensiones *Fiscalis* Cracovien.; Haud nos illi moram, metumve paramus. Est autem, ut ipse *Fiscalis* relinquat Judicio A. C. Gavotti definitionem Causæ nostræ Exemptionis, quæ nil commune habet cum Cura Animarum, quæque in eo Tribunali præventive, legitimeque introducta est.

8 Fatetur rursus idem *Fiscalis* ad bonam reversus frugem, Tribunal A. C. adhuc hodie posse cognoscere de nostris Privilegiis, & de nonnullis petitionibus in Curia Episcopali factis à *Fisci* Instigatore circa facultatem eligendi *Notarios*, & circa alia nonnulla &c. = At misere reponit, quæstiones suas uti pertinentes ad Sacram Congregationem, secum trahere debere Causam nostram Exemptionis, quia privilegiatus trahit non privilegiatum = sic ait contraria Informatio §. 17. Porro quidquid esset, si Causa Exemptionis proponeretur ad moram iniiciendam Judicio, quod spenderet jam in Sacra Congregatione super Cura Animarum; sique de natura esset illarum Cau.

Causarum, quæ cognosci, & defini possent à Sacra Congregatione; Alia quidem res est, ubi Causa Exemptionis præventivè per viam Actionis introducta est in Tribunali A. C., nullumque præstat obicem, aut præjudicialitatem alteri, & diversæ Causæ super Cura Animarum, quam æque per viam Actionis experiri intendit Fiscalis Cracovien.: Nequit enim privilegium diversæ rei, diversæque Causæ operari avocationem Causæ Exemptionis à Judice suo, eoque minus illius remissionem ad Sacram Congregationem, ad quam si foret etiam remissa, remissionis Decretum ipso Jure nullum haberetur, ut profequitur recensita Innocentii XII. reformatio, ibi = *Quod si secus à præsentis Decreto factum fuerit, omnia Acta, resolutiones, ac Decreta sint ipso Jure nulla, perinde ac si non emanassent.* =

9 Reditque jam, qui supremum rei ponit fastigium, nempe *Consensus* semel, & bis à Fiscali Promothore præstitus in nostra Exemptionis Causa *coram A. C.*; Nec recte excipit Fiscalis, hunc Consensum fuisse impugnativum. Quis enim dixerit impugnativum Consensum, quando post præsentatum Fiscali Monitorium super Exemptione ipse comparuit coram eodem A. C. Gavotto Judice Monitorii? *nostro Summario num. 30.*, & quando rursus, nulla præmissa Fori declinatoria, comparuit instantiæ nostræ, sibi que obtinuit Decretum favorabile, remissivum scilicet Causæ Circumscriptionis *ad Listam Informationis* cum altera super Negocio principali? ut est *in contrario Summario num. 23.*, & *nostro Summario numer. 31. litt. A.*, & quando demum Fiscalis idem omnia nostra Documenta coram A. C. producta, sibi communicari voluit ad respondendum, ut liquet *ex Actis*. Hic plane geminatus Consensus quò magis excludit Animum impugnandi, eò firmiorem constituit Jurisdictionem Tribunalis A. C., quam hodie declinare piaculum esset, ut latius demonstrat *Informatio nostra §§. 15., & 18.*

10 Jam vero nimium videntur nobiscum asperi, & irrequieti Contradictores nostri; Quoties enim donantes Jura hæc nostra, quæ firmissima sunt pro substinenda Causa *coram A. C.*, contenti sumus, ut in omnem malam hypothesim eadem Causa committatur *ad Sacram Rotam quoad omnes, & omnia*, scilicet cum singulis Episcopi prætensionibus, jam qui huic temperamento renuit assentiri, pervicaci dominatur litis æstu. Vidimus quippe, Causam Exemptionis pendere *in Sacra Rota* cum altero Poloniæ Episcopo: Vidimus, idem Tribunal in ea contentione cognovisse aliqua pertinentia ad Curam Animarum, *nostro Summario num. 15. litt. D., & num. 16.*, Vidimus Sacrum Tribunal semper insimul definiisse Causas Exemptionis

Re-

Regularium una cum prætensionibus Episcopi quoad Curam Animarum: Vidimus, modum hunc committendi omnes contentiones uni, eidemque Tribunali *Sacra Rota* vere rectum, utilem, & prudentem fore. Addimus nunc, punctum illud *Institutionis* à Præposito nostro Generali datæ electo Canonico ad Præposituram *S. Hedwigis*, de quo, urgente Cyrillo Zuchovvski, conqueritur Citatio Episcopalis *in contrario Summario num. 8.*, similiter pendere indecisum *in Sacra Rota*, ut exhibent *duo* invicem pugnantes *Decisiones*, quibus titulus *Cracovien. Præpositura*, prima diei 3. *Julii 1772.*, & altera 14. *Maji 1773. coram bo. me. Riccio.*

11 Dignumque est, animadversione, quod etsi Fiscalis in suis Citationibus multa involvat pertinentia ad Curam Animarum, attamen nè à longe quidem ullum affert Documentum circa *assertos defectus, scandala, & inconvenientia* in exercitio Curæ Animarum. Eapropter ad verificationem sui calumniosi assumpti necessum forsan erit in prosecutione Causæ, ut Curia Cracovien. obtineat Litteras Remissoriales, ut fiat examen Testium, ut formalis super iis Capitibus efformetur Processus; quæ quidem omnia, ut supra visum est, ex reformatione San. Mem. *Innocentii XII.* nequit explere Sacra Congregatio Concilii: Quamobrem si Causa Exemptionis nostræ, contrariæque ipsæ prætensiones multæ pendent in *S. Rota*, si Sacrum Tribunal, prævio compacto Processu, aliisque demandatis necessariis probationibus, rite potest una simul cognoscere, & definire Contentiones omnes; si modus iste, quem proponimus, unicuique Parti expediens, & utilis est, morari amplius non decet ad resolutionem controversiæ hujus, sed plenis manibus abjecta contraria Commissione rescribendum in omnem casum est = *Ad Rotam quoad omnes, & omnia.*

12 Contrarias suppositiones, & injurias, quæ pertinent ad merita Causæ, VEL satis refutavimus *in nostra Informatione*, VEL non est hic loci curiosius investigare. Id unum sat est, ut Reverendissimi PP. assueta docilitate sua *DUO* prænoscant, quæ falsissima prodeunt non, inquam, ab ore Reverendissimi Episcopi Cracoviensis de hacce contentione prorsus inscii, sed ab ore *Cyrilli Zuchovvski: ALTERUM* scilicet quoad ass. defectus in Cura Animarum, & *ALTERUM* quoad figuratam Impetrationem Præposituræ Generalis Miechovien.: Etenim suppositi excessus, quo ne inathanio quidem probantur, mox excluduntur egregio eorumdem Parochianorum Oppidi Miechovien., ut *in præsentis Summario num. primo* Somniata vero Impetratio, quæ merum est Vigilantis delirium,

re ipsa excluditur tum à Capitulari, & Canonica electione Reverendissimi Principalis, de qua *nostro Summario num. 20. litt. A. & B.*; tum & à Bulla Apostolicæ Confirmationis in Dataria expeditæ secundum Concordatam Poloniæ quoad Præposituram Miechovien, ut refert *Rigant. ad regul. 2. Cancell. v. 2 pag. 259. artic. VII.*, Hæc nunc patitur injurias Reverendissimus Principalis summo cum animi sui dolore; Cæterum, cum res fuerit ad certamen delata, plane obmutescunt Detractores nostri, maximeque conticescet Cyrillus ille, quem non abs re *Confocius* ipse suos appellat *Hominem dolosum, fraudulentum, PRODITOREMQUE RELIGIONIS*, ut in præfenti Summario num. 2.

Quare &c.

Dominicus Franci.

SUMMARIUM

Num. 1.

NOS infra scripti recta conscientia recognoscimus, quod postquam audiverimus de ex traditis Citationibus ex Cancellaria Celsissimi Principis Episcopi Cracovien. Admodum RR. Presbyteris in Conventu Miechovien. manentibus &c., omnibus, & singulis certam, veram, & realem notitiam facimus, & præfens indubitatum damus Testimonium, in cujus confirmationem Juramentum nostrum quolibet tempore offerimus, quod a prædictis Admodum Reverendis Presbyteris DD., & Patribus nostris Spiritualibus *nullum gravamen habemus*, nec ab illis (alioquin recursum faceremus ad Reverendissimum Dominum Generalem) aliquas depactiones sustineamus, neque a nobis supra possibilitatem nostram extorqueant, *cum omni diligentia Sacrosancta Sacramenta administrent*, nec sciamus, nec ab aliquo audiverimus, ut quis per negligentiam ab Illis commissam sine Sacramentis migrasset ex hoc Mundo, vel sine Baptismo decessisset, & quolibet tempore *illorum vigilantiam, & diligentiam experimur. Devotionem consueto ordine in Ecclesia absolunt* cum omni non tantum nostrum, qui sumus Parochiani, sed etiam extraneorum commoditate suis officiis *Regularibus* absque minimo scandalo nostro invigilant. Nos, & Liberos nostros in Fide Catholica, in doctrinis spiritualibus,

Ex testimonio ipsorum Parochianorum excluduntur ass. defectus quoad Curam Animarum, & administrationem Sacramentorum.

tam

*tam concionibus, quam Catechismis solenter,
& ordinate erudiant. In quorum fidem, & ro-
bur propriis nos manibus subscribimus, & sigil-
lum Officii Nostri apponimus. Datum die 26.
Aprilis 1775. in Prætorio Miechovien. = Locus
Sigilli = Gaspar Paraduski Vice Advocatus manu
propria = Casimirus Potrowski = Simon Kucsko-
wski Scabinus manu propria = Laurentius Zy-
chovicz manu propria = Adalbertus Pasternako-
vicz Scabinus manu propria = Antonius Stocko-
uski Notarius ejusdem Officii Vice Advocatialis
Juratus Miechovien. manu propria.*

Sequitur Legalitas in forma &c.

Num. 2.
*Thomas Novvin-
ski, qui Confocius
modo est, & Collega
Cyrilli Zuchovus-
ki, hunc appellat
Hominē doloſum,
fraudolentum, Pro-
ditoremque Reli-
gionis.*

*Ego infraſcriptus do hanc veram, realem, & ſin-
ceram ſponſionem, & aſſecurationem, quod
CUM R. CYRILLO ZUCHOVVSKI, tam
quam DOLOSO HOMINE, ET FRAUDO-
LENTO, PRODITOREQUE RELIGIONIS,
quouſque cum Superioribus, & Religione non
fuerit reconciliatus, & emendatus, nullam co-
intelligentiam habeo &c. Omnes ejus Sermo-
nes, diſcurſus, & colloquia fugiam, & cave-
bo, actiones ejus præteritas uti e diametro voca-
tioni Religioſæ, & Votis contrarias pro poſſe vi-
tuperabo &c. In quorum fidem propter majus
robur hanc meam ſubſcriptionem, & ſponſio-
nem manu propria ſubſcripſi anno 1773. die 13.
Novembris.*

THOMAS NOVVINSKI manu propria.

Locus & Sigilli.

Congreg. ſignatura ſubſcripta
R. P. D.

M A G N A N I

*Cracovien. Exemptionis ſuper perti-
nentia Cauſæ.*

P R O

*Rmo D. Matthæo Buydecki Praeſbitero
Generali RR. DD. Canonicorum
Regularium Ordinis SS. Sepulchri.*


C O N T R A

*Rev. D. Promothorem Piſcalem Curia
Epiſcopalis Cracovien.*

Responſio cum Summario

Typis Bernabò 1775.

to
a
2
2



P. P. DOM KSIĄŻKI
— ANTYKWARIAT —

* 008290



0022383

Biblioteka Jagiellońska

